

四庫全書

史部

# 欽定四庫全書

史部

文獻通考卷二百五十八

九

詳校官內閣學士臣瑞保

編修臣程嘉謨覆勘

覆校官中書臣孫希旦

校對官中書臣王彛憲

謄錄監生臣張五誥

欽定四庫全書

文獻通考卷二百五十八

鄱陽馬端臨貴與著

帝系考九

公主

唐堯二女長曰娥皇次曰女英以妻舜

孟子舜尚見帝帝館甥於貳室亦饗舜迭為賓主

尚上

也舜上而見於帝堯也貳室副宮也堯舍舜於副宮而就饗其食堯之於舜使其子

九男事之二女女焉百官牛羊倉廩備以養舜於畝  
畝之中

商帝乙歸妹以祉元吉

周武王以元女大姬配虞胡公而封之陳以備三恪

詩何彼穠矣美王姬雖則王姬亦下嫁於諸侯車服  
不係其夫下王后一等猶執婦道以成肅雝之德也

下王后一等謂車乘厭翟服則綸翟疏曰王后五  
輅以重翟為上厭翟次之六服禕衣為上綸翟次之  
天子尊無二土故其女可下王后一等若諸侯之女  
下嫁則從其夫之爵何休云天子嫁女於諸侯備姬

娣如諸侯禮皇甫謐云武王五男二女元女妻胡公  
王姬以為媵今何得適齊侯之子何休事未可據也

何彼穠矣唐棣之華曷不肅雝王姬之車

穠猶戎戎也厚貌唐

棣移也今之郁李王姬下嫁於諸侯車服之盛如此  
而不敢挾貴以驕其夫故見其車者知其能敬與和

肅雝者王姬而曰王姬之車不敢指切之也唐  
棣之華華如桃李皆言王姬容色之盛美也何彼

穠矣華如桃李平王之孫齊侯之子

武王女文王孫  
適齊侯之子言

平王之孫齊侯之子其  
辭匹敵則不驕亢可知其釣維何維絲伊緡齊侯之

子平王之孫

絲之合而為綸猶男女合而為婚  
言侯子王孫宜為偶如合絲為綸

魯莊公元年秋築王姬之館于外

左氏傳為外禮也

公在諒闇慮齊侯當親迎不忍便以禮接於朝又不敢逆王命故築舍於

外齊強魯弱又委罪於彭生魯不能讎齊然喪制未畢故異其禮得禮之變

公羊傳何

以書譏爾築之禮也於外非禮也

以言外知有築內之道也於外非禮

也禮同姓本有主嫁女之道必闕地於夫人之下於羣公子之上也時魯以將嫁女於讎國故築於外

外何以非禮

據非內也

築於外非禮也

於遠辭也為營衛不固不以將嫁於

讎國除讎也魯本自得讎為辭無為受命而外之故曰非禮

其築之何以禮

據禮當預

設主王姬者必為之改築主王姬者曷為必為之改

築

據諸侯宮非一

於路寢則不可小寢則嫌

皆所以遠別也

羣公子

之舍

謂女公子也

則以卑矣

謂太卑也

其道必為之改築者也

以上傳言爾知當築夫人之下羣公子之上築例時

穀梁傳築禮也於外非

禮也

外城也

築之為禮何也主王姬者必自公門出

公門

朝之外門主王姬者當設几席筵於宗廟以俟迎者故在宮門之內築王姬之館

於廟則已

尊於寢則已卑為之築節矣築之外變之正也築之外

變之為正何也仇讎之人非所以接婚姻也縗麻非

所以接弁冕也

親迎服祭服重婚姻公時有桓之喪

其不言齊侯之來

逆何也不使齊侯得與吾為禮也

初學記昔堯女有娥皇女英舜妹有數手舜女有  
宵明燭光易有帝乙歸妹周武王之女嫁於陳並  
未有封邑之號至周中葉天子嫁女於諸侯天子  
至尊不自主婚必使諸侯同姓者主之始謂之公  
主秦代因之亦曰公主漢制帝女為公主帝姊妹  
為長公主漢制皇女皆封縣公主儀服同藩王

秦二世時十公主死於杜

皆始皇女也

漢制皇女皆稱縣公主

師古曰天子不親主婚故謂之公主諸侯即自主婚故其女號



翁主翁主翁父也儀服同列侯其尊崇者加號長公主儀服同藩

王諸王女皆封鄉亭翁主儀服同鄉亭侯

漢書謂齊厲王姊為紀翁

主以紀氏所以列侯尚公主

王吉曰漢家列侯尚公主諸侯則國人承翁主使男

事女夫誦於婦逆陰陽之位故多女亂

諸公主家令門尉皆屬宗正又有

主傳

東方朔傳昭平君醉殺主傳師古曰傳母也

中府

東方朔傳館陶公主中府師古曰中府掌

金帛之藏

太上皇女

昭哀后

高帝姊初封宣夫人呂后七年尊曰昭哀后

高祖一女

魯元公主

宣平侯張敖尚之孝惠時齊悼惠王尊為魯元太后

文帝二女

館陶長公主

實后生女也文帝即位為館陶長公主師古曰年長故謂

長公主堂邑侯陳午尚之見竇后傳

昌平公主

周勃太子勝之尚之見周勃傳

景帝三女

平陽公主

王皇后長女本陽信長公主也為平陽侯曹壽所尚故稱平陽

公主壽有惡疾上乃詔衛青尚平陽主見青傳

南宮公主

王皇后次女

隆慮公主

王后少女並見王皇后傳

武帝五女

鄂邑蓋長公主

昭帝姊燕刺王傳云食邑鄂而為蓋侯妻也張晏云

蓋侯王信師古曰信不取鄂主為妻當是信子頃侯充耳

夷安公主

隆慮公主子昭平君尚見

東方衛長公主

外戚傳云子夫生三女長主衛太子姊也帝以妻樂大見郊祀志諸

邑公主

五行志征和二年五蠱事興帝女

陽石公主

見上又武紀注云二公主皆衛皇后女

宣帝二女

館陶公主

華婕妤女名施于定國子于永尚

敬武公主

張臨

尚元帝令薛宣尚後王莽白太后賜藥死見宣傳

元帝三女

平都公主

傅昭儀女

平陽公主

衛婕妤女見中山衛姬傳

潁

邑公主

杜業尚

西漢和蕃公主

高帝罷平城歸是時冒頓單于兵彊控弦四十萬騎數

若北邊上患之以問婁敬敬曰陛下誠能以適長公主  
妻單于厚奉遺之彼知漢女送厚蠻夷必慕以為閼氏  
生子必為太子代單于冒頓在固為子婿死外孫為單  
于豈曾聞外孫敢與大父抗禮哉可毋戰以漸臣也若  
陛下不能遣長公主而令宗室及後宮詐稱公主彼亦  
知不肯貴近無益也高帝曰善遣長公主呂后泣曰妾  
唯一太子一女柰何棄之匈奴上竟不能遣長公主而  
取家人子為公主妻單于使敬往結和親約

婁敬傳

孝惠二年以宗室女為公主嫁匈奴單于

紀本

匈奴老上單于初立文帝復遣宗人女翁主為單于閼

氏使宦者中行說傳翁主

匈奴傳

孝景五年遣公主嫁匈奴單于

紀本

孝武元封中烏孫昆莫使使獻馬願得尚漢公主為昆

弟天子問羣臣議許曰必先納聘然後遣女烏孫以馬

千匹聘漢遣江都王建女細君為公主以妻焉賜乘輿

服御物為備官屬宦官侍御數百人贈送甚盛昆莫以

為右夫人昆莫年老欲使其孫尚公主公主不聽上書  
言狀天子報從其國俗岑陬遂妻公主生一女少夭公  
主死漢復以楚王戊之孫解憂為公主妻岑陬甘露三  
年楚公主上書言年老思土願得歸骸骨葬漢地天子  
憫而迎之公主與烏孫男女三人俱來至京師時年且  
七十賜田宅奴婢奉養甚厚朝見儀比公主

西域傳

元帝竟寧元年匈奴呼韓邪單于復入朝自言願婿漢  
氏以自親帝以後宮良家子王嬙字昭君賜單于單于

驩喜昭君號寧胡閼氏生一男呼韓邪死株累單于復妻

王昭君生二女長女為須卜居次小女為當于居次

居次

者女之號若漢言公主也見匈奴傳

後漢制同前漢其後安帝姊妹亦封之長公主同之皇

女

安帝姊妹清河孝王之女

其皇女封公主者所生之子襲母封為

列侯皆傳國於後鄉亭之封則不得傳襲

永初元年鄧太后封清河

孝王慶女十一人皆為鄉公主分食邑俸

諸公主置家令一人

東觀書曰其主薨無子置

傳一人守其家

南頓君三女 湖陽長公主黃 新野公主元適鄧晨

寧平長公主伯姬適李通

世祖五女 舞陽長公主義王適梁松 涅陽長公主

中禮適竇固 館陶公主紅夫適韓光 涓陽公主

禮劉適郭璜 酈邑公主綬一作綬適陰豐

顯宗十一女 獲嘉長公主姬適馮柱 平陽公主奴

適馮順 隆慮公主迎或作延適耿襲 平氏公主次

不言所適史闕文後倣此沁水公主致適鄧乾 平臯公主小姬



適鄧蕃 浚儀公主適王度 武平公主惠適來稜

魯陽公主臣 樂平公主小迎 成安公主小民

肅宗三女 武德長公主男 平邑公主王適馮由

陰安公主吉

和帝四女 修武長公主保 共邑公主成 臨潁公

主適賈建 聞喜公主興

順帝三女 舞陽長公主生 冠軍長公主成男 汝

陽長公主廣

桓帝三女 陽安長公主 華延適伏全 潁陽長公主

堅 陽翟長公主修

靈帝一女 萬年公主某

魏制公主有家令僕丞行夜督郵

太祖女 清河長公主 適夏侯楙 金鄉公主 適何晏

文帝女 東鄉公主

明帝女 平原懿公主

早夭追封帝取甄皇后從孫黃之喪與主合葬追封黃列侯以

郭德嗣黃後封平原侯襲公主爵

齊長公主 適李韜

闕

公主 適

任愷

晉文帝女 常山公主適王濟 長廣公主適甄德

京兆公主

武帝女 滎陽公主適盧諶 繁昌公主適衛宣 襄

城公主適王敦 滎陽公主適盧恒 平陽公主

新豐公主 平陽公主 萬年公主 武安公主

惠帝女 臨海公主適曹統 河東公主 始平公主

哀獻皇女

元帝女 尋陽公主適王禕之 江陵公主適荀羨

明帝女 南康公主適桓溫 南郡公主適羊賁 廬

陵公主適劉惔

簡文帝女 新安公主適王獻之

孝武帝女 晉陵公主適謝混 鄱陽公主適王偃

恭帝女 海鹽公主 富陽公主

宋公主有傳令不得朱服

武帝女 會稽宣長公主適徐達之 宣城德公主適

周嶠 豫康長公主適徐喬 吳興公主適王偃

新安公主適王景深 始安哀公主適褚湛之 義興

長公主 吳郡公主

文帝女 東陽獻公主適王僧綽 淮陽公主適江湛

新蔡長公主適何邁 潯陽公主適郗暕 臨川

長公主英媛適王藻 南郡獻公主適褚淵 廬江

公主適褚澄

孝武女 山陰公主適何戢 臨海公主適江歆 安

固公主適王志 臨汝公主適何教 安吉公主適

蔡約 山陰公主楚玉 康樂公主修明 皇女楚

琇

明帝女 陽羨公主適王儉 臨淮公主適王瑩 晉

陵公主伯姁 建安長公主伯媛

宋世諸主莫不嚴妬明帝每疾之湖熟令袁愔妻以

妬賜死使近臣虞通之撰妬婦記左光祿大夫江湛

孫敷當尚武帝女上乃使人為敷作表讓婚曰伏承

詔旨當以臨海公主降嬪榮出望表恩加典外顧審  
輜蔽伏用憂惶臣寒門悴族人凡質陋閭閻有對本  
隔天姻如臣素流家貧業寡年近將冠皆以有室荆  
釵布裙足得成禮每不自解無偶迄茲媒訪莫尋素  
族弗問自惟門慶屢降公主天恩所覃庸及醜末懷  
憂抱惕慮不獲免徵命所當果膺茲舉雖門忝宗榮  
於臣非倖仰緣聖貸冒陳愚實自晉氏以來配尚王  
姬者雖累經美曹極有名才至如王敦懾氣桓溫斂

威真長佯愚以求免于敬炙足以違禍王偃無仲都  
之質而蹀雪於北階何瑀闕龍工之姿而投軀於深  
井謝莊殆自害於矇叟殷仲幾不免於強鉏彼數人  
者非無才意而勢屈於崇貴事隔於聞覽吞悲茹氣  
無所逃訴制勒甚於僕隸防閑過於婢妾行來出入  
人理之常當代賓客朋從之義而今掃轍息駕無闕  
門之期廢筵抽席絕接對之理非惟交友離異乃亦  
兄弟疎闊第令受酒肉之賜制以動靜監子待錢帛



之私節其言笑姆妳爭媚相勸以嚴尼媼競前相諂  
以急第令必凡庸下才監子皆葭萌愚豎議舉止則  
未閑是非聽言語則謬於虛實姆妳敢恃耆舊唯贊  
妬忌尼媼自唱多知務檢口舌其間又有應答問訊  
卜筮師母乃至殘餘飲食詰辨與誰衣被故敝必  
責頭領又出入之宜繁省難衷或進不獲前或入不  
聽出不入則嫌於欲疎求出則疑有別意召必以三  
晡為期遣必以日出為限夕不見晚魄朝不識曙星

卷一百五十一  
至於夜步月而弄琴晝拱袂而披卷一生之內與此  
長乖又聲影裁聞少婢奔迸裾袂向席則醜老叢來  
左右整刷以疑寵見嫌賓客未冠以少容致斥禮有  
列媵象有貫魚本無嫚嫡之嫌豈有輕婦之誚今義  
絕傍私虔恭正匹而每事必言無儀適設辭輒云輕  
易臣又竊聞諸主聚集唯論夫族緩不足為急者法  
急則可為緩者師更相扇誘本其恒意不可貸借固  
實常辭或云野敗去或云人笑我雖云家事有甚王

憲發口所言恒同科律王藻雖復彊佞頗經學涉戲  
笑之事遂為冤魄褚曖憂憤用致天絕傷理害義難以  
具聞夫螽斯之德實免克昌專妬之行有妨繁衍是  
以尚主之門往往絕嗣駙馬之身通離釁咎以臣凡  
弱何以克堪必將毀族淪門豈伊身肯前後嬰此其  
人雖衆然皆患彰遐邇事隔天朝故吞言咽理無敢  
論訴臣幸屬聖明矜照由道弘物以典處親以公臣  
之鄙懷可得自盡如臣門分世荷殊榮足守前基便

預提拂清官顯位或由才升一叨婚戚成成恩假是  
以仰冒非宜披露丹實非惟止陳一已規全身願實  
乃廣申諸門受惠之切伏願天慈照察特賜蠲停使  
雀燕微羣得保叢蔚蠢物憐生自己彌篤若恩詔難  
降披請不申便當刊膚剪髮投山竄海帝以此表遍  
示諸主以諷切之并為戲笑

按自王姬執婦道之風不見於後世後之公主皆  
庸奴其夫晉人已有無事取官府之說至六朝而

其弊尤甚南史王誕傳載辭婚表雖戲笑之言然亦當時事實也故錄於此

齊梁陳皆踵宋制

齊高帝女 義興獻公主適沈文和 臨海長公主適

王彬

武帝女 武康公主適徐演 長城公主適何敬容

明帝女 山陰公主適徐況 錢塘公主適謝覽

梁武帝女 安吉公主適王實 長城公主適柳偃

永嘉公主適王銓 永興公主王姚 永世公主王

婉 永康公主王環 臨安公主

簡文帝女 餘姚公主適王溥 南河公主適袁憲

溧陽公主

辱於侯景

元帝女 益昌公主

陳武帝女 永嗣公主適錢藏

帝即位時主已卒追封至是將葬尚書請議加

藏駙馬都尉侍中袁樞議曰昔王姬下降必適諸侯漢氏初列侯尚主自斯以後降嬪素族駙馬都尉置由漢武或以假諸功臣或以加於戚屬是以魏曹植表駙馬奉車取為一號齊職儀曰凡尚公主必拜駙

馬都尉魏晉以來因為瞻準蓋以王姬之重庶姓之輕若不加其等級寧可合色而醕所以假駙馬之位乃崇於皇女也今公主早薨伉儷已絕既無禮數致疑何須駙馬之授按杜預尚晉宣帝第二女晉武踐祚而主已亡泰始中追贈公主元凱無復駙馬之號梁文帝女新安穆公主蚤薨天監初王氏無追拜之事遠近二例足以校明無勞此會稽穆公主適沈君授今宜追贈亭侯時議以為當

環

文帝女 信安公主適蔡凝 義興公主適錢肅 富

陽公主適柳盼

後魏公主有家令丞

道武曾引崔宏講論漢書至妻敬說漢祖欲以魯元公主妻匈奴善之嗟嘆良久是以諸公主皆嫁於賓附之國朝臣子弟良族美彥不得尚焉

平陽公主薨高肇欲使公主家令居廬制服太常博士常景曰今王姬降適雖加爵命事非君邑理異列土何者諸王開國備立臣吏生有趨奉之勤死盡致喪之禮而公主家令唯有一人其丞以下命之屬官既無接事之儀實闕為臣之體原夫公主之貴所以



立家令者蓋以主之內事脫須關外理無自達必也  
因人然則家令唯通內外之職及典主家之事耳無  
關君臣之理名義之分也由是推之家令不得為純  
臣公主不可為正君明矣且女人之為君男子之為  
臣古禮所不載先朝所未議乃寢

道武女 華陰公主適閭大肥 獲澤公主

明元女 宜陽公主適穆逐留 武威公主適沮渠牧  
犍 上谷公主適乙瓌 南安長公主適杜超

太武女 樂陵公主適穆壽 始平公主適赫連昌

博陵長公主適馮熙

景穆女 城陽公主適穆平國 長樂公主適穆正國

安樂公主適乙乾歸 高陽公主適萬振

文成女 濟北公主適穆伏干 河南公主適萬安國

上谷公主適赫連宿石 西河公主適薛初古拔

武邑公主 建興公主 平陽長公主並適劉昶

新平長公主適穆羆 中山長公主適穆亮

獻文女 長城公主適穆真 瑯琊公主適穆紹 常  
山公主適陸騰 趙郡公主適司馬躍 彭城長公  
主初適劉承緒再適王肅 樂浪長公主適盧道裕  
樂安長公主適馮誕

孝文女 淮陽公主適乙瑗 華陽公主適司馬肱

長樂公主適高猛 安樂公主 始平公主 淮王

長公主適乙弗瑗 章武長公主適穆泰 蘭陵長

公主適劉暉 南陽長公主適蕭寶寅 濟南長公

主適盧道虔 順陽長公主適馮穆

宣武女 建德公主適蕭烈 壽陽長公主適蕭贊

文帝女 金明公主適尉遲迴

北齊後周隋公主官屬皆如後魏制

齊神武女 太原長公主初為魏孝靜皇帝后後再適

楊愔 東平長公主適可朱道元 公主適司

馬消難 浮陽長公主適李千學

文宣女 東安公主適段深 義寧公主適斛律武都

中山長公主適段寶鼎

公主適潘子晃

周文帝女

霍國公主適賀拔緯

襄樂公主適韋世

康

襄陽公主適竇毅

永富公主適史雄

順陽

公主適隋滕穆王楊瓚

西河長公主適劉昶

新

興公主適蘇威

字文護女

武帝女

清都公主適閻毗

隋文帝女

樂平公主為周天元帝后

蘭陵公主初

適王奉孝再適常機

煬帝女 南陽公主適宇文士及

後魏以來和蕃公主

魏太武女

公主適氏主楊保宗 光化公主適

吐谷渾世伏

廣樂公主適吐谷渾夸呂

魏濟南王匡孫女

西海公主適蠕蠕主郁久閭吳提 化政公主

元翌女

蘭陵公主並適蠕蠕主郁久閭阿那瓌 長樂公主

適突厥主阿史那土門

周千金公主

趙王招女

適突厥主阿史那他鉢

隋華容公主適高昌王伯雅 義安公主

女宗適突厥可

汗突利

義成公主

女宗適突厥可汗啟民

史稱魏道武採婁敬之說諸公主皆嫁於賓附之  
國朝臣良族子弟皆不得尚蓋問大肥楊保宗之  
屬皆夷狄也似不必分別為和蕃公主然問大肥  
輩則部落之服屬而為臣者也楊保宗輩則外國  
之未服屬而為敵者也又國內之胡人所娶皆帝  
女而外國之君長所娶多宗女此又其所以不同

也

唐制皇姑為大長公主

後亦謂之長公主

姊為長公主女為公

主皆封國視正一品太子女為郡主封郡視從一品親

王女為縣主正二品

建中元年十二月初開元中置禮會院於崇

仁里自興兵以來廢而不脩公郡縣主不時降嫁殆三十年凡皇族子弟皆散棄無位或流落他縣上即位始叙用枝屬以時婚嫁公族老幼莫不悲感及縣主將嫁小大之物必周其用貞元十五年勅駙馬郡縣主如

實無子准式養男並不得用母蔭會昌五年勅今後先降嫁公主縣主如有兒女者並不再請從人如無兒者

陳奏委宗正寺處分而有妄稱無輒請再從人者覺察處分

凡諸王及公主皆以親



為尊皇之昆弟妹先拜於皇子上稱啟神龍初下詔革  
之二年勅公主府設官屬鎮國太平公主儀比親王長  
寧安樂惟不置長史餘並同親王宜城新都定安金  
城等公主非皇后生官員減半其金城公主以出降吐  
蕃特置司馬景龍四年停公主府依舊邑司

永淳前親王食實戶

八百增至千輒止公主戶不過二百而太平公主獨加  
戶五十聖歷時進及三千戶預誅二張功增號鎮國與  
相王均封五千薛武二家皆食實封主與相王衛王成  
王長寧安樂二公主給衛士環第十步一區持兵呵衛  
僭肖宮省神龍時與長寧安樂宜城新都定安金城凡  
七公主皆開府置官屬視親王安樂戶至三千長寧二

千五百府不置長史宜城定唐隆元年六月勅公主置安非韋后所生戶止二千

府近有勅總停其太平公主有崇保社稷功其鎮國太

平公主府即宜依舊

酸棗縣尉袁楚客奏記於中書令魏元忠曰女有內男有外男女有

別劄柔分矣中外斯隔陰陽著矣豈可相濫哉然而慕府者大夫之職非婦人之事今諸公主並開建府僚崇置官秩若以女家處男職所謂長陰而抑陽也而望陰陽不階風雨無與其可乎竊謂非致遠之計乖久安之策書曰事不師古以克永世匪說攸聞此之謂也君侯罔正而誰正之哉開元四年三月制

諸封國自始封至曾孫者其封戶三分減一十年加永

穆公主封千戶

初永穆等各封五百戶左右以為太薄上曰夫百姓租賦者非吾有也斯皆宗

廟社稷蒼生是為爾邊隅戰士出萬死不顧一生所賞賜繞不過一二十疋此輩何功於人頓食厚封約之使之儉嗇不亦可乎左右以長公主皆二千戶請與比上曰吾嘗讀後漢書見明帝曰朕子不敢望先帝子車服下之吾未嘗不廢卷歎息如何欲令此輩望長公主乎左右不敢復言至是公主等車服不給故加焉自後公主皆封千戶凡諸王及公主以下所食封邑皆以課戶遂成其例

充州縣與國官邑官共執文帳准其戶數收其租調均為三分其一入官其二入國公主所食邑則全給焉二十年五月勅諸食邑實封並以三丁為限不須一分入官其物仍令封隨庸調送入京凡公主封有以國名

者郎國代國霍國是也有以郡名者平陽宜陽東陽是  
也有以美名者太平安樂長寧是也唯元宗之女皆以  
美名名之

世祖一女 同安公主適王裕

高祖十九女 長河公主適馮少師 襄陽公主適竇

誕 平陽昭公主適柴紹

主及柴紹起兵佐高祖取長安武德六年薨葬加前

後部羽葆鼓吹大路麾幢虎賁甲卒班劍太常議婦葬古無鼓吹帝曰鼓吹軍樂也往者主身執金鼓參佐

命於古有邪宜用之高密公主初適長孫孝政再適段綸 長

廣公主適趙慈景 長河公主適豆盧懷讓 房陵  
公主初適竇奉節再適賀蘭僧伽 九江公主適執  
失思力 廬江公主適喬師望 南昌公主適蘇勗  
安平公主適楊思敬 淮南公主適封道言 真  
定公主適崔恭禮 衡陽公主適阿史那社尒 丹  
陽公主適薛萬徹 臨海公主適裴師律 館陶公  
主適崔宣慶 常樂公主適趙瓌 安定公主初適  
溫挺再適鄭敬言

太宗二十一女

襄城公主初適蕭銳再適姜簡

主性孝睦

動循矩法帝勅諸公主視為法有司告營別第辭曰婦事舅姑如事父母異宮則定省闕止葺故第門列

雙戟而已南平公主初適王敬直再適劉元意

敬直王珪之子先時

公主下嫁未嘗行見舅姑禮珪曰主上循法度吾當受公主謁見豈為舅榮將以成家國之美於是與夫

人坐堂上主執筭盤饋乃退後

遂安公主初適竇達

再適王大禮

豫章公主適唐義識

長樂公主適

長孫冲

帝以主長孫后所生勅有司裝賁倍長公主魏徵曰昔漢明帝封諸王言朕子安得同先

帝子然則長公主尊公主矣制有差等豈可越乎帝以語后后贊徵勸帝從之乃賞徵

北景公

主適柴令武 普安公主適史仁表 東陽公主適  
高履行 臨川公主適周道務 清河公主適程懷  
亮 蘭陵公主適竇懷哲 晉陽公主初適韋思安  
再適楊仁輅 安康公主適獨孤諶 新興公主適  
長孫獬 城陽公主初適杜荷再適薛瓘 合浦公  
主適房遺愛 汝南公主早卒 金山公主早卒  
晉陽公主早卒 常山公主早卒 新城公主初適  
長孫詮再適韋正矩

高宗三女 義陽公主適權毅 高安公主適王勗

太平公主初適薛紹再適武攸暨

中宗八女 新都公主適武延暉 宣城公主適裴巽

安定公主初適王同皎再適韋濯三適崔銑 長

寧公主初適楊慎父再適蘇彥伯 永壽公主適韋

鉞 永泰公主適武延基 安樂公主初適武崇訓

再適武延秀 成安公主適韋捷

睿宗十一女 壽昌公主適崔真 安興昭懷公主早



卒 荆山公主適薛伯陽 淮陽公主適王成慶

代國公主適鄭萬鈞 涼國公主適薛伯陽 薛國

公主初適王守一 再適裴巽 鄆國公主初適薛倣

再適鄭孝義 金仙公主 玉真公主皆入道不嫁

霍邑公主適裴虛已

元宗二十九女 永穆公主適王繇 常芬公主適張

去奢 孝昌公主 靈昌公主 上仙公主 懷思

公主 普康公主 宜春公主 並早卒 唐昌公主適薛

鋪 萬安公主不嫁為道士 常山公主初適薛譚

再適竇澤 晉國公主適崔惠童 新昌公主適蕭

衡 臨晉公主適郭潛曜 衛國公主初適豆盧建

再適楊說 信成公主適獨孤明 楚國公主適吳

澄江 昌樂公主適竇諤 永寧公主適裴齊邱

真陽公主初適源清再適蘇震 宋國公主初適溫

西華再適楊徽 咸宜公主初適楊洄再適崔高

齊國公主初適張垺再適裴頴三適楊敷 太華公

主適楊琦 壽昌公主適郭液 樂昌公主適蘇履  
謙 壽安公主適蘇發 廣寧公主初適程昌允再  
適蘇克貞 萬春公主初適楊肅再適楊琦 新平  
公主初適裴玲再適姜慶初

肅宗七女 宿國公主適豆盧湛 蕭國公主初適鄭  
異再適薛康衡三適回紇英武威遠可汗 和政公

主適柳潭 郾國公主適張清 紀國公主適鄭沛  
永和公主適王詮 郾國公主初適裴徽再適蕭

升

代宗十八女 永清公主適裴倣 齊國昭懿公主適

郭曖 靈仙公主 真定公主 玉清公主 太和

公主 玉虛公主 西平公主 章寧公主並早華卒

陽公主入道不嫁 嘉豐公主適高怡 普寧公主

適吳士廣 長林公主適沈明貞貞元二年具冊德宗不御正殿不設

樂遂為故事 晉陽公主適裴液 趙國莊懿公主初適封

武清再適田緒德宗幸望春亭臨餞厭翟不可乘以金根車代之公主出降乘金根車自

主  
始義清公主適杓杲 壽昌公主適竇克良 新都

公主適田華

德宗十一女 韓國貞穆公主 普寧公主 義川公

主 晉平公主

並早卒

魏國憲穆公主適王士平 鄭國

莊穆公主適張茂宗 臨真公主適薛釗 永陽公

主適崔謹 文安公主入道不嫁 宜都公主適柳

昱 燕國襄穆公主適回紇武義成功可汗

順宗十一女 漢陽公主適郭縱 梁國恭靖公主適

鄭何 東陽公主適崔杞 西河公主適沈翬 雲

安公主適劉士涇 襄陽公主適張克禮 潯陽公

主 平恩公主 邵陽公主 並為臨汝公主 早號國

公主適王承系

憲宗十八女 梁國惠康公主適于季友 永嘉公主

永寧公主 俱為道士 衡陽公主 普康公主 義寧公

主 貴卿公主 俱早卒 宣城公主適沈議 鄭國溫儀

公主適韋讓 岐陽莊淑公主適杜侗 開成二年勅駙馬當為公

主服三年頗乖典法自此準禮夫婦齊服緣杖周時岐陽公主既薨駙馬杜侔因禮文不為重服時論推美故有陳留公主適裴損真寧公主適薛翊南

康公主適沈汾臨真公主適衛洙真源公主適

杜中立永順公主適劉宏景安平公主適劉異

永安公主入道不嫁定安公主適回鶻可汗

穆宗八女

義豐公主適韋處仁

會昌五年中書門下奏伏見公主上表稱

妾李者伏以臣妾之義取其賤稱家人之禮宜即區別臣等商量公主上表請如長公主例並云某邑公主第幾女上表郡縣淮陽公主適柳正元延安公主亦望依此例從之

主適竇潯 金堂公主適郭仲恭 清源公主

早饒卒

陽公主適柳仲詞 義昌公主 安康公主

俱不嫁為道士

敬宗三女 永興公主 天長公主 寧國公主

文宗四女 興唐公主 西平公主 朗寧公主 化

光公主

武宗七女 昌樂公主 壽春公主 長寧公主 延

慶公主 靜樂公主 樂溫公主 永清公主

宣宗十一女 萬壽公主適鄭顥 永福公主 齊國



恭懷公主適嚴祁 廣德公主適于琮 義和公主

饒安公主 盛唐公主 平原公主 唐陽公主

許昌公主適柳陟 豐陽公主

懿宗八女 衛國文懿公主適韋保衡 安化公主

普康公主 昌元公主 昌寧公主 金華公主

仁壽公主 永壽公主

僖宗二女 唐興公主 永平公主

昭宗十一女 新安公主 平原公主適李繼侃 益

昌公主 唐興公主 德清公主 大康公主 永

明公主 新興公主 普安公主 樂平公主

唐開元禮

冊公主及公主出降儀

冊公主

前一日尚書奉御設御幄於太極殿如常守宮設羣官  
次於東西朝堂奉禮設版位太樂令展宮懸典儀設舉  
麾位如常又設文武羣官版位五品以上於橫街北六

品以下於橫街南文東武西俱重行諸親於五品之南

皇親在東  
諸親在西

設典儀位如常儀贊者二人在南少退俱西

向冊使立於懸北西上俱北面

副使立於大使東  
少退以後準此

其日

諸衛屯門列仗如常冊使羣官等依時刻集朝堂次改服朝服通事舍人各引就朝堂位侍中量時刻版奏請中嚴鉞戟近仗入陳於殿庭太樂令帥工人入就位協律郎入就舉麾位典儀帥贊者先入就位諸守衛之官各服其器服符寶郎先請寶俱詣閣奉迎通事舍人分

引王公羣官入就位又通事舍人引冊使並入立於殿門外道東西面以俟黃門侍郎帥主節奉節及幡立於階仗南節在前中書侍郎先請冊置於案令史降公服各對舉案立於節南道東西面中書侍郎立於案後侍中版奏外辨所由承旨索扇扇上皇帝服通天冠絳紗袍御輿以出曲直華蓋警蹕侍衛如常皇帝出自西房即御座南向坐扇開協律郎偃麾戛鼓樂作符寶郎奉寶置於御座典儀贊拜羣官在位者俱再拜訖通事舍

人引冊使入就位冊使等初入門舒和之樂作至位樂止立定典儀曰再拜贊者承傳冊使等皆再拜侍中進當御座前北面跪奏稱侍中臣某言冊公主請命使俛伏興又侍中少前稱制曰可退復位侍中承制降諸使者北面稱有制冊使副等俱再拜侍中宣制曰冊某公主命公等持節展禮宣制訖使副等又再拜侍中還侍位贊禮者引冊使少前黃門侍郎引主節詣冊使東北主節以節授黃門侍郎

主節者後立於使右

黃門侍郎持節西南

授冊使跪受興付主節幡隨節立於使左黃門侍郎退贊禮者導中書令詣冊使東北面立又贊禮者導中書

侍郎引諸公主冊案立於中書令之右中書令於案取

公主冊

舉案者皆由後立於使左以後準此

授冊使冊使跪受興置於案

持案者退立於後以後準此

贊禮者引中書令與冊使俱向北退復

位典儀曰再拜訖通事舍人引冊使等右旋而出持節

者前導持案者次之冊使等初行樂作出門樂止侍中

前跪奏稱侍中臣某言禮畢俛伏興還侍中位所由承

旨索扇扇上皇帝興太樂令令撞蕤賓之鐘右五鐘皆應鼓祝奏太和之樂皇帝降座御輿入自東房侍衛警蹕如來儀侍臣從至閤扇開樂止通事舍人引羣臣在位者以次出舉冊者及冊使至長樂門外次如後儀

### 公主受冊

尚儀二人

讀冊

司贊二人

引公

掌贊二人

知贊

女史四

人

對舉冊案

前一日尚舍守宮計會設使者及冊案便次於

光範門及長樂門外皆道右東向司贊設公主位於長

樂門外內殿前近南當階北面西上又設內命婦應陪位者位於公主東北及西北嬪御者在東宮官等在西階重行相對北上又於內命婦之前設尚儀位二皆東向以西為上又於尚儀位南少退設司贊位掌贊二人陪其後其日典儀設冊使位於長樂門外之西東向北上又設舉冊案者位二在南差退東向內謁者監先取公主冊案置於長樂門外近限內命婦以下及應在位者並服禮衣先就位公主花釵翟衣司言引就受冊位



侍從如常儀通事舍人引冊使副使等出就位持節者  
立於侍者之北少退持冊案者立於冊使副西南俱東  
向持節者去節衣持冊案者以案進冊使之前北向相  
次而立內使二人引使者詣門內謁者舉案少前使取  
公主冊冊置於案俛伏興通事舍人引冊使副使等俱  
進就次以俟尚儀率女史詣門拜冊案入各就尚儀之  
前對舉冊案皆東向司贊曰再拜凡司贊有詞掌贊皆承傳司言贊  
公主再拜尚儀取公主冊於案持案者退少前北面稱有制

司言贊公主再拜尚儀執冊跪讀訖退復位以冊進授公主公主受冊以授司言訖司贊曰再拜公主再拜在位皆再拜司贊少前稱禮畢司言引公主退在位以次退掌贊報內謁者監禮畢內謁者監傳報冊使等詣太極殿前南橫街南北面西上立中書令立於冊使等東北西面冊使再拜復命曰奉制冊命某公主禮畢又再拜中書令奏聞冊使等退幡節各還本司

納采

前一日主人設侍者次於大門之外道右南向

其納吉納徵請

期親迎等禮皆如之

其日大昕使者至於主人大門外贊禮者延

入次

凡賓主及行事者皆公服

使者出次贊禮者引至於大門外之

西東面主人立於東階下西面僎者立於主人之左北

面受命出立於門東西面曰敢請事使者曰朝恩貺室

於某公之子某公有先人之禮使某也請納采僎者入

告主人曰寡人敢不敬從僎者出告掌畜者以雁授使

者其餘並如一品婚儀

問名

使者既出至主人還阼階上西面曰皇帝第某女封某

公主餘行事並如一品婚儀

其禮使者戶牖之間贈之簠幣及兩馬詞云吾子為

事故至於寡人之室寡人有先人之禮請禮從者

納吉

其日大昕使者至請事使者曰加諸卜占曰吉使某也

某也敢告主人曰某公有吉寡人與在焉寡人不敢辭

餘如納采之儀

納徵

其日大昕使者至入次掌事者布幕於內門外元纁束帛陳於幕上乘馬在幕南北首西上掌事者璋以匱俟於幕東使者曰朝恩貺室於某公之子某公有先人之禮使某也以束帛乘馬請納徵主人曰某公順先典貺以重禮寡人敢不承命餘並如一品婚儀

請期

其日大昕使者至入次至請事使者曰某公有賜既申

受命某公使某請吉日儗者入告主人曰寡人既受前命惟命是聽使者曰某公命某聽命於王儗者入告主人曰寡人固惟命是聽使者曰某公使某受命於王王不許某敢不告期曰某日餘並如一品婚儀

親迎

其日大昕婿之父告廟醮子並如一品婚儀子再拜降出乘輅備儀仗詣主人之第賓將至內贊者布席於東房當戶南向設罇甌醴等於東房主人醴公主如一品

醴女之儀公主著花釵榆翟纁袖入房以下並如一品  
醴女儀訖主人降立於東階東南西面贊禮引賓出次  
立於門西東面賓者進受命出門東面曰敢請賓曰某  
王命某之父以茲初婚命某將請承命賓者入告主人  
曰寡人固敬具以請至奠雁出如常禮初賓入門主婦  
出立於房中外之西南面於賓拜訖姆導公主出主人  
少進西面戒之如有正焉若衣若花命之曰戒之敬之  
夙夜無違命主婦戒之於西階上施衿結帨戒之曰勉

之敬之夙夜無違公主出以下並如常儀

同牢

初婚掌事者設洗於東階東南及陳設牢饌鉶俎之數

各依其品羊豕節折大羹在於爨

其器皆明烏漆惟餘  
甄以陶匏以瓢

並如一品儀

見舅姑

見之日公主夙興沐浴著花釵服褕翟舅服公服姑著  
鈿釵禮衣其儀同一品婚禮公主降西階以出無取脯



授婦氏之儀

盥饋舅姑

公主盥饋以少牢舅姑公主服如見禮及醕舅姑訖內贊者設公主席於舅姑席東北南面餘並如一品禮

婚會

婦人禮儀

以上並如一品婚儀

饗丈夫送者

同一品儀加送以乘馬設從者乃於西廊下

饗婦人送者

女相者引賓升降酬以束帛餘如丈夫禮

唐和蕃公主

弘化

宗室女貞觀時降吐谷渾慕容諾曷鉢

文成

宗室女貞觀時降吐蕃贊普弄贊命禮部

尚書江夏王道宗送之弄贊親迎河源見主人執子婿禮甚謹歎大國服飾儀禮之盛有愧色謂所親曰

我祖父未有通婚大國者今我得尚大唐公主當築一城以誇示後世乃遣酋豪子弟請入國學習詩書

從金城

雍王守禮女神龍時降吐蕃贊普

寧國

肅宗女乾元時降回紇英武威遠可汗置

公主府二年自蕃還永樂宗室女開元時適契丹松漠郡王李失活燕郡

餘姚公主女慕容氏開元時固安從外甥女辛氏開元時降契丹松羅郡王李鬱于焉

大酺後大酺戮死立其弟魯蘇為主仍尚東光咸寧公主魯蘇牙官謀歸突厥主殺之以功被賞

韋氏降奚交河十姓可汗史懷道女開元時降突厥騎施可汗蘇魯和義宗室女天

寶時降寧靜樂外孫獨孤氏天寶時降松國奉化王宜芳外甥女楊

氏天寶時降饒樂都崇徽僕固懷恩女大歷時降回紇可汗咸安宗

女貞元時降回紇天親可太和憲宗女長慶時出

梁太祖女安陽公主適羅延規長樂公主適趙巖

普寧公主適王昭祚 金華公主 真寧公主

少帝女 壽春公主 壽昌公主

後唐武帝女 瓊華長公主適孟知祥 瑤英公主適

張延釗

明宗女 永寧公主適晉高祖 興平公主適趙延壽

壽安公主 永樂公主

晉高祖女 長安公主適楊承祚

漢高祖女 永寧公主適宋延渥

周太祖女 樂安公主 壽安公主適張永德 永寧

公主

宋太祖六女 三長女不及封 秦國長公主適王承

衍 晉國大長公主適石保吉 許國長公主適魏

成信

宋初之制初被選尚者即拜駙馬都尉賜玉帶襲衣銀鞍勒馬綵羅百疋謂之繫親又賜其家銀萬兩令辦聘財之數倍於親王聘妃出降賜甲第餘如諸王夫人之

制而扇加四引障花燭籠各加十

太宗七女 長女不及封 燕國長公主適吳元辰 曹

國長公主 申國大長公主 皆出家為尼 晉國大長公主

適柴宗慶 鄧國長公主適王貽永 齊國大長公

主適李遵勉

舊制選尚者降其父為兄弟行事時遵勉父繼昌尚無恙主因誕日以舊禮謁

繼昌帝聞而嘉之賜金幣

真宗二女 長不及封 次及幼入道 亦早薨

仁宗十三女 周陳國公主適李瑋 周國公主 漢

國公主 秦國公主 魏國公主 魯國公主 吳

國公主 燕國公主 楚國公主 皆早夭 兗國公主適

曹詩 秦魯國大長公主適錢景臻 至紹興十四年始薨 慶壽

寶壽二公主史不言所適

公主冊禮嘉祐二年儀注前一日有司設冊使副幕次於內東門外又設內命婦次於公主受冊印本位門外又設公主受冊印位於本位庭階下北向又設冊使位於內東門副使及內給事於其南差退並東向北上又

設冊印案位於冊使前南向又設內給事位於冊使北南向其日自文德殿奉冊印將至內給事詣本位諸公主服首飾褫翟冊印至內東門外褥位置訖內臣引內命婦俱入就位禮真官引冊使副俱立東向位內給事前東向躬稱冊使王堯臣副使田況奉制授公主冊印退復內給事入詣所設冊印本位公主前言訖退內給事進詣冊使前面使跪以冊印授內給事內給事亦跪以授內謁者冊使退復內謁者及主當內臣持冊印入



內東門內給事從入詣本位庭又內給事贊公主降立  
庭中北向位跪取冊興立於公主之右少前西向又內  
給事立於公主之左少前東向又內給事稱有制內給  
事贊公主再拜內給事奉冊跪授公主公主受以授內  
給事奉印亦然復贊再拜前引公主升位以次內臣引  
內命婦賀內給事贊言禮畢內命婦退遂引公主謝皇  
帝皇后冊印如貴妃文曰克國公主之印  
匣皆有  
公主出降嘉祐二年禮官言禮闕新儀公主出降前一

日行五禮古者結婚始用行人告以夫家采擇之意謂之納采問女之名歸卜夫廟吉以告女家謂之問名納吉今選尚一出朝廷不待納采又公主封爵已行誕告不得問名而卜之若納成則既有進財請期則有司擇日宜稍依五禮之名存其物數俾知古者婚姻之事重而夫婦之際嚴如此亦不忘古禮之義也時兗國公主下嫁李璋詔俟出降日令夫家主婚者具合用雁帛玉馬等物陳於內東門外以授內謁者進入內中付掌事

者受之其馬不入

英宗四女

舒國公主

天

魏楚國公主適王師約

魏

國長公主適王詵

韓魏國大長公主適張敦禮

神宗十女

吳國

鄆國

潞國

邢國

邠國

兗

國

六主皆天

周國淑懷公主

天

唐國賢穆公主適韓嘉彥

渾國賢孝公主適王遇

徐國賢靜公主適潘意

哲宗四女

鄧國楊國二公主

世早

秦國公主適潘正夫

陳國公主適石端禮

徽宗三十四女 嘉德帝姬適曹寅 崇德帝姬適曹

晟 順淑帝姬早亡 安德帝姬適宋邦光 茂德帝姬

適蔡偉 壽淑帝姬早亡 慧淑帝姬 永淑帝姬並早亡

崇德帝姬適曹湜 康淑帝姬 榮淑帝姬 保淑

帝姬並早亡 成德帝姬適向子房 甸德帝姬適田丕

悼穆帝姬 熙淑帝姬 敦淑帝姬並早亡 顯德帝

姬適劉文彥 順德帝姬適向子辰 申福帝姬

保福帝姬 賢福帝姬 仁福帝姬並早亡 柔福帝姬

寧福帝姬 和福帝姬 永福帝姬 惠福帝姬

令福帝姬 華福帝姬 慶福帝姬 儀福帝姬

純福帝姬 恭福帝姬

並未及選尚從  
北狩歿於虜中

四朝國史傳史臣曰國朝帝女封公主沿襲漢唐或以美名或以國姊妹曰長公主諸姑曰大長公主至祖姑則或加兩國政和三年蔡京為相建議以為不典始改為帝姬以二字易國名四字易兩國名自祖宗以降數十女皆追加封冊至中興時始復初故今

所書但仍舊式唯徽宗諸主乃從一時之制云

帝姬降嫁儀納采問名納吉請期婿家具禮物

並用納雁

成

用玉幣等

修表如儀前期太史局擇日差官奏告景靈東

西宮親迎前一日所司於東門外量地之宜西向設婿

次其日大昕婿之父服其服告於禰廟曰

無廟者行廳事東閣設神

位天子降女於某

婿名

以某日親迎敢告再拜子將行父

醺子於廳事贊者設父位於中閭南向設子位於父位

之西近南東向父即座子公服升自西階進立於位前

贊者注酒於醕西向授子子再拜跪受贊者又奉饌設於位前子舉酒興即座飲食訖降再拜贊禮者引立於父位前父命之曰往迎肅雍以昭惠宗祐子再拜曰祇率嚴命又再拜降出乘馬至東華門內下馬禮直官引就次有司陳帝姬鹵簿儀仗於內東門外俟帝姬將升厭翟車禮直官引婿出次立於內東門外躬身西向掌事者以雁陳於前內謁者奉雁以進俟帝姬升車訖婿再拜先還第同牢其日初婚掌事者設巾洗各二一於

東階東南一於室之北水在洗東尊於室中實四爵兩

色於篚

爵色以常用酒器代之

婿至本第下馬以俟帝姬至降車

贊者引婿揖帝姬以入及寢門又揖婿導帝姬升降入

室盥洗掌事者布對位婿揖帝姬皆即座受醴三飲婿

及帝姬俱興再拜訖贊者徹酒見舅姑夙興帝姬著花

釵服褕翟以俟見贊者設舅姑位於堂上東西相向舅

位於東姑位於西舅姑服其服俱就位後立女相者引

帝姬升自西階詣舅位前再拜訖贊者以棗梔授帝姬



帝姬奉聚桌置於舅位前舅即座贊者進徹以東帝姬退復位又再拜女相者又引帝姬詣姑位前再拜訖贊者以殿脩授帝姬帝姬奉殿脩置於姑位前姑即座贊者受以東帝姬退復位又再拜次醴婦盥饋饗婦如儀五年五月嘉德帝姬下嫁曹寅詔用新儀行盥饋之禮皇后宮闈送至第外命婦免從重和五年十一月蔡京請免茂德帝姬下降見舅姑行盥饋之禮詔不允又詔神考治平間親灑宸翰以王姬下降躬行舅姑禮草去

歷代沿習之弊以成婦道以風天下於是崇寧大觀以來詔有司講求典禮繼頒五禮新儀著為永法近聞徒有奉行之名而舅姑既不端坐返有下拜之禮甚失本意可自今帝姬下降恪遵新儀

中興國史傳論曰右三十四帝姬早亡者十四人餘皆止遷獨恭福帝姬生才周晬金不知故不行建炎三年薨封隋國公主安德帝姬有遺女一人後適嗣秀王伯圭封秦國夫人榮德帝姬至燕京駙馬曹晟

卒改適習古國王紹興中有商人妻易氏者在劉超  
軍中見內人言宮禁事遂自稱榮德帝姬鎮撫使解  
潛送至行在遣內夫人驗之言其詐遂付大理寺獄  
成詔杖死又有開封尼李靜善者內人言其貌似柔  
福靜善即偽稱之蘄州兵馬鈐轄韓世清送至行在  
遣內侍馮益等驗視為所欺遂封福國長公主出適  
永州防禦使高世榮其後內人從顯仁太后歸言其  
妄送法寺治之內侍李諤自北還又言柔福在五國

城適徐還而薨靜善遂伏誅柔福之薨也在紹興十一年從梓宮來者以其骨至葬之追封和國長公主

孝宗二女

嘉國公主

次女

俱早世

光宗三女

文安公主

和政公主

齊安公主

俱早世

寧宗一女

祁國公主

早世

文獻通考卷二百五十八

欽定四庫全書

文獻通考卷二百五十九

鄱陽馬端臨貴與著

帝系考十

皇族

黃帝二十五子其得姓者一十四人

國語司空季子曰同姓為兄弟黃帝之子二十五人

其同姓者二人而已唯青陽與夷鼓皆為己姓

此二人相

與同德故俱為己姓  
青陽金天氏帝少皞

青陽方雷氏之甥也夷鼓彤

魚氏之甥也

方雷西陵氏之姓彤魚國名帝系曰黃帝娶西陵氏之子嫫祖實生青陽姊妹

之子曰甥聲雷嫫同也

其同生而異姓者四母之別為十二姓

凡黃帝之子二十五宗

唐尚書曰繼別為小宗非也繼別為大宗別之庶孫乃為

小宗

其得姓者一十四人為十二姓

得姓以德居官而初賜之姓謂

十四人而二人為姬二人為己故十二姓

姬酉祁已滕箴任荀僖佶儂依

是也唯青陽與蒼林氏同於黃帝故皆為姬姓

二十

唯青陽與蒼林德及黃帝同姓為姬也

同德之難也如是

言德自黃帝同之其難也

哉如是

昔高陽氏有才子八人

高陽氏顓頊之號八人其苗裔

蒼舒隤斨檮戲

大臨扈降庭堅仲容叔達

此即垂蓋禹臯陶之倫庭堅即臯陶字隤徒回反斨五才

反一音五回反韋昭音瑰檮直由反韋昭音桃斨以善反漢書作斨韋昭已震反扈莫江反降下江反陶音遙

齊聖廣淵明允篤誠天下之民謂之八愷

齊中也淵深也允信也篤

厚也愷和也愷開在反

高辛氏有才子八人

高辛氏帝嚳之號八人亦其苗裔嚳苦毒

反伯奮仲堪叔獻季仲伯虎仲熊叔豹季狸

此即稷契朱虎熊羆

之倫奮甫問反熊音雄狸力之反契息列反依字當作傑古文作高羅彼皮反

忠肅共懿宣慈

惠和天下之民謂之八元

肅敬也懿美也宣徧也元善也徧音遍

此十六

族也世濟其美不隕其名

濟成也隕墜也墜直類反

以至於堯

堯不能舉舜臣堯舉八愷使主后土

后土地官禹作司空平水土即主地

之以揆百事莫不時序地平天成

揆度也成亦平也揆葵癸反

舉八

元使布五教於四方

契作司徒五教在寬故知契在八元之中

父義母慈兄

友弟共子孝内平外成

内諸夏外夷狄夏戶雅反

昔帝鴻氏有不才

子

帝鴻黃帝

掩義隱賊好行凶德醜類惡物頑嚚不友是與

比周

醜亦惡也比近也周密也好呼報反嚚魚巾反心不則德義之經為頑口不道忠信之言為嚚比毗



志天下之民謂之渾敦謂驩渾敦不間通之貌渾戶反敦徒本反驩呼端反

侯少皞有不才子少皞金天氏之號次黃帝少詩照反注同皞胡老反毀信廢忠

崇飾惡言靖譖庸回服讒菟慝以誣盛德崇聚也靖安也庸用也回

邪也服行也菟隱也慝惡也盛德賢人也菟所留反慝他得反邪似嗟反天下之民謂之窮

奇謂共工其行窮其好奇奇其宜顓頊氏有不才子不反共音恭行下益反好奇呼報反顓頊氏有不才子不

可教訓不知話言話善也話戶快反告之則頑德義不入心舍之則

噉不道忠信舍音敕傲狠明德以亂天常天下之民謂之檮杌

謂絲檮杌頑凶無儔匹之貌傲五報反狠此三族也世戶壘反檮徒力反杌五忽反絲古本反

濟其凶增其惡名以至於堯堯不能去

方以宣公比堯行父比舜故言

堯亦不能去須賢臣而除之去起呂反注及下皆同

縉雲氏有不才子

縉雲黃帝時官名

貪於飲食冒於貨賂侵欲崇侈不可盈厭聚斂積實不

知紀極不分孤寡不恤貧匱

冒亦貪也盈滿也實財也厭於艷反匱其媿反天

下之民以比三凶

非帝王之子孫別以比三凶

謂之饕餮

貪財為饕貪食為餮

饕餮他刀反饕餮他結反

舜臣堯

為堯臣

賓於四門

闢四門達四聰以賓禮衆賢闢婢亦反聰

本亦作憲七工反

流四凶族

案四凶罪狀而流放之

渾敦窮奇檮杌饕餮

投諸四夷以禦魑魅

投棄也裔遠也放之四遠使當魑魅之災魑魅山林異氣所生為人

害者也。禦魚呂反。山神獸形。魃亡備。是以堯崩而天下反。說文作魃。云老精物也。魃或從未。

如一同心戴舜以為天子，以其舉十六相去四凶也。

按八愷出自高陽八元，出自高辛驩兜出自帝鴻，共工出自少皞鯀出自顓頊，皆黃帝之裔也。雖賢否不同而皆以帝王者子孫為顯官於唐虞之世，蓋古之仕者世祿而五帝三代之世系未有不出自黃帝者。故叙此段以備唐虞以來公族世系之本末云。

周武王克商光有天下兄弟之國十有五人姬姓之國四十人

傳富辰曰昔周公弔二叔之不咸故封建親戚以蕃

屏周

弔傷也咸同也周公傷夏殷之叔世疏其親戚以至滅亡故廣封其兄弟

管蔡邲霍

魯衛毛聃邾雍曹滕畢原酆郕文之昭也

十六國皆文王子

邠晉應韓武之穆也

四國皆武王子

凡蔣邢茅胙祭周公之

允也

禮記文王世子庶子之正於公族者教之以孝悌睦友

孝愛明父子之義長幼之序

正者政也庶子司馬之屬掌國子之倖為政於公族

者其朝於公內朝則東面北上臣有貴者以齒

內朝路寢庭

其在外朝則以官司士為之

外朝路寢門之外庭司士亦司馬之屬也掌羣臣之

班正朝儀之位也

其在宗廟之中則如外朝之位宗人授事以

爵

以官宗人掌禮及宗廟也以爵貴賤異位也以官官各有掌也若司徒奉牛司馬奉羊司空奉豕

其登餼獻受爵則以上嗣

上嗣君之適長子以特牲饋食禮言之受爵謂上嗣舉奠

也獻謂舉爵洗奠酌入也餼謂宗人遣舉奠也

庶子治之

雖有三命不踰父兄

治之治公族之禮也唯於內朝則然其餘會聚之事則與庶姓同一

命齒於鄉里再命齒於公族三命不齒不齒者特為位不在父兄行列中其公大事則以其

喪服之精粗為序雖於公族之喪亦如之以次主人事大

謂死喪也其為君雖皆斬衰序之必以本親也主人主喪者次主人者主人恒在上主人雖有父兄猶不得下

齒若公與族燕則異姓為賓同宗無相膳宰為主人燕

不獻公與父兄齒親也族食世降一等親者稠疏者希稠直由反密也其

在軍則守於公禰謂從軍者公禰行以公若有出疆之

政謂朝覲會同庶子以公族之無事者守於公宮正室守於

太廟正室適子也太廟太祖之廟也諸父守貴宮貴室謂守路寢守貴室本或作守貴

宮貴諸子諸孫守下宮下室

下宮親廟也下室燕寢或言宮或言廟通異語

五

廟之孫祖廟未毀雖為庶人冠娶妻必告死必赴練祥

則告

赴告於君也實四廟孫而言五廟者容顯考為始封子也

族之相為也宜弔不

弔宜免不免有司罰之

弔謂六世以往免謂五世

至於贈賻承舍皆

有正焉

承讀為贈聲之誤也正正禮也賵芳鳳反下同賻音附承音贈出注舍胡暗反本又作哈賵賻

哈襚皆贈喪之物也車馬曰賵布帛曰賻

賵曰含衣服曰襚總謂之贈賻猶送也

公族其有死

罪則磬於甸人

不於市朝者隱之也甸人掌郊野之官縣縊殺之曰磬甸大遍反縣音元縊一

智其刑罪則纖剝亦告於甸人

纖讀為殲殲剝也剝割也剝割臍墨剝刑皆以

刀鋸剗割人體也告讀為鞫讀書用法曰鞫織依注音  
鍼之林反徐子庶反注本或作織者是依徐音而改也  
剗止免反告依注作鞫久六反剗七亦反又七智  
反下同臙頻忍反徐扶忍反剗魚器反鋸徐音據公族

無宮刑宮剗獄成有司讞於公其死罪則曰某之罪在

大辟其刑罪則曰某之罪在小辟成平也讞之言曰辟亦罪也公

曰宥之宥寬也欲寬其罪出於刑也有司又曰在辟公又曰宥之復

也有司又曰在辟及三宥不對走出致刑於甸人對答也

者君每言宥則答之以將更寬之至於三公又使人追

罪定不復答走往刑之為君之恩無已罪既正不可宥乃

之曰雖然必赦之有司對曰無及也欲赦之重刑殺其



也類反命於公刑殺已公素服不舉為之變如其倫之喪無

服素服於凶事為吉於吉事為凶非喪服也君雖不服

於士蓋疑衰於同姓則總衰以弔之今無服者親哭之不

弔為位哭之而已君公族朝於內朝內親也雖有貴者

以齒明父子也謂以宗族事會外朝以官體異姓也體猶連宗

廟之中以爵為位崇德也崇高也宗人授事以官尊賢也

以官各登餼受爵以上嗣尊祖之道也上嗣祖喪紀以服

之重輕為序不奪人親也紀猶事也公與族燕則以齒而孝

弟之道達矣

以至尊不自異於親之列

其族食世降一等親親之殺

也

殺差也

戰則守於公禰孝愛之深也

行主君父之象

正室守太

廟尊宗室而君臣之道著矣

以其不敢以庶守君所重

諸父諸兄守

貴室子弟守下室而讓道達矣

以其貴者守貴賤者守賤上言父子孫此言兄

弟互相備也

五廟之孫祖廟未毀雖及庶人冠娶妻必告死

必赴不忘親也親未絕而列於庶人賤無能也敬弔臨

賻賙睦友之道也古者庶子之官治而邦國有倫邦國

有倫而衆鄉方矣

鄉方言知所鄉

公族之罪雖親不以犯有司

正術也所以體百姓也

犯猶干也術法也百姓本或作異姓非

刑於隱者

不與國人慮兄弟也弗弔弗為服哭於異姓之廟為忝祖遠之也素服居外不聽樂私喪之也骨肉之親無絕也公族無宮刑不翦其類也

翦割截也遠于万反

左傳襄公十二年吳子壽夢卒臨於周廟禮也

周廟文王

廟也周公出文王故魯立其廟吳始通魯

凡諸侯之喪異姓臨於外

於城外向

其同姓於宗廟

所出王

同宗於祖廟

始封君

同族於

禰廟

父廟也同族謂高祖以下

是故魯為諸姬臨於周廟為邢凡

蔣茅胙祭臨於周公之廟

即祖廟也六國皆周公之支子別封為國共祖周公

秦商鞅立法宗室非有軍功不得論為屬籍

漢高祖七年置宗正官以叙九族

文帝四年復諸劉有屬籍家無所與賜諸侯王子邑各

二千戶

孝武元光元年復七國宗室前絕屬者

按孝景三年詔楚元王子執等與吳王濞等為逆

朕不忍加法除其籍毋令汚宗室是年始詔復之

後元二年正月朝諸侯於甘泉宮賜宗室

孝昭始元二年以宗室無在位者舉茂材劉辟疆劉長樂皆為光祿大夫辟疆守長樂衛尉

武帝時劉辟疆以宗室子隨二千石議論冠諸宗室清寧少欲嘗以書自娛不肯仕昭帝即位或說大將軍光曰將軍不見諸呂之事乎處伊周之位攝擅權而背宗室不與共職是以天下不信卒至滅亡今將軍當盛位帝春秋富宜納宗室又多與大臣共事反

諸呂道如是以免患光然之乃擇宗室可用者辟  
疆子德待詔丞相府

孝宣地節元年詔曰蓋聞堯親九族以和萬國朕蒙遺  
德奉承聖業惟念宗室屬未盡而以罪絕若有賢材改  
行勸善其復屬使得自新

孝成建始二年罷博望苑以賜宗室朝請者

劉向上封事言王氏一姓朱輪華轂者二十三人大  
將軍秉事用權五侯驕奢排擯宗室孤弱公族其有

智能者尤非毀而不進遠絕宗室之任不令得給事  
朝省恐其與已分權事勢不兩大王氏與劉氏且不  
並立宜發明詔吐德音援近宗室親而納信黜遠外  
戚毋授以政所以褒睦內外之姓子孫無疆之計也

哀帝即位賜宗室王子有屬者馬各一駟

本紀

平帝元始元年詔宗室屬未盡而以罪絕者復其屬其  
為吏舉廉佐史補四百石

本紀師古曰宗室為吏者皆令舉廉各從本秩而以廉吏

遷之為佐史者  
例補四百石

四年二月賜宗室有屬籍者爵自五大夫以上各有差

紀本

五年正月祫祭明堂宗室子九百人召助祭禮畢皆益戶賜爵及金帛增秩補吏各有差詔曰蓋聞帝王以德撫民其次親親以相及也昔堯睦九族舜厚叙之朕以皇帝幼年且統國政惟宗室子皆太祖高皇帝子孫及兄弟吳項楚元之後漢元至今十有餘萬人雖有王侯之屬莫能相糾或陷入刑罪教訓不至之咎也傳不云



乎君子篤於親則民興於仁其為宗室自太上皇帝以來族親各以世氏郡國置宗師以糾之致教訓焉二千石選有德義者以為宗師考察不從教令有寃失職者宗師得因郵亭書言宗伯請以聞常以歲正月賜宗師帛各十匹

西漢初宗室封王者

帝子王已見皇子門更不錄

楚元王交

高帝弟

代王喜

高帝兄

荆王賈

高帝父弟

燕敬王

澤

高帝從祖昆弟各王受封傳國本末見封建考此更不錄後同

西漢宗室王子侯

高帝時封三人 高后時封三人 孝文時封十四

人 孝景時封七人 孝武時封一百七十七人

孝昭時封十二人 孝宣時封六十三人 孝元時

封四十八人 孝成時封四十三人 孝哀時封九

人 孝平時封二十七人

各侯姓名及受封傳國本末並見封建考此更不錄

後同

東漢世祖建武二年十二月戊午詔曰惟宗室列侯為  
王莽所廢先靈無所依歸朕愍之其並復故國若侯身  
已歿屬所上其子孫見名尚書封拜紀

十三年二月丙辰詔曰長沙王興真定王得河間王邵  
中山王茂皆襲爵為王不應經義其以興為臨湘侯得  
為真定侯邵為樂成侯茂為單父侯其宗室及絕國封  
侯者凡一百三十七人丁巳降趙王良為趙公太原王  
章為齊公魯王興為魯公

漢置宗正卿掌序錄王國嫡庶之次及諸宗親屬遠近郡國歲因計上宗室名籍若有犯法當髡以上先上諸

宗正宗正以聞乃報決

胡廣曰又歲一治諸王世譜差序秩

和帝元興元年宗室以罪絕者悉復屬籍

以後屢有此詔不悉錄

魏文帝皇初二年制封王之庶子為鄉公嗣王之庶子為亭侯公之庶子為亭伯

明帝太和五年詔令諸王及宗室公侯各將適子一人朝

齊王時宗室曹問上書曰大魏之興二十四年矣子弟王空虛之地君有不使之民宗室竄於閭閻不聞邦國之政權均匹夫勢齊凡庶內無深根不拔之固外無磐石宗盟之助非所以安社稷為萬世之業也且今之州牧郡守古之方伯諸侯皆跨有千里之土兼軍武之任或比國數人或兄弟並據而宗室子弟曾無一人廁其間與相維制非所以強幹弱枝備萬一之虞也今之用賢超為名都之主或為偏師之帥

而宗室有文者必限之小縣之宰有武者必致百人之上非所以勸進賢能褒異宗室之禮也語曰百足之蟲至死不僵以其扶之者衆也此言雖小可以譬大是以聖王安不忘危存不忘亡故天下有變而無傾危之患矣冀以此論感寤曹爽不能用

### 魏宗室

曹仁

太祖從弟仕至車騎將軍封陳侯

曹洪

太祖從弟仕至驃騎將軍封都陽侯

曹休

太祖族子仕至大司馬揚州都督封長平侯

曹真

太祖族子仕至大司馬封東鄉侯

晉武帝懲魏氏孤立之敝故大封宗室授以職任又詔諸王皆得自選國中長吏衛將軍齊王攸獨不敢皆令上請又詔除魏宗室禁錮

晉置宗正統皇族宗人譜牒

晉宗室王侯

安平獻王孚

宣帝弟

彭城穆王權

宣帝弟

高密文獻王泰

宣帝范陽威王綏

宣帝弟

濟南惠王遂

宣帝弟

譙遜王剛

宣帝任城景王陵

宣帝弟

平原王幹

宣帝弟

汝南文成王

亮宣帝琅琊王由宣帝清惠亭侯京宣帝扶風武

王駿宣帝梁王彤宣帝趙王倫宣帝齊獻王攸文帝

城陽哀王兆文帝遼東悼惠王定國文帝廣漢殤王

廣德文帝樂安平王鑒文帝燕王機文帝

宋宗室諸王侯

長沙景王道憐武帝臨川烈武王道規武帝營浦侯

遵考武帝族弟始武帝輔政時諸

子並弱宗室唯有遵考云

孝武制帝室蕃親官非祿官者月給錢十萬



齊宗室諸王侯

衡陽元王道度

高帝長兄

始安貞王道生

南豐伯赤斧

高帝從祖弟

臨汝侯坦之

高帝絕服族子

梁宗室王侯

吳平侯景

武帝從父弟

長沙宣武王懿

武帝兄

永陽昭王敷

武帝兄

衡陽宣王暢

武帝弟

桂陽簡王融

武帝弟

臨川靜惠

王宏

武帝弟

南平元襄王偉

武帝弟

安成康王秀

武帝弟

興忠武王憺

武帝弟

鄱陽忠烈王恢

武帝弟

梁置宗正卿位視列曹尚書主皇室外戚之籍以宗室為之

陳宗室王侯

永修侯掇

武帝疎屬

遂興侯詳

宜黃侯慧紀

武帝從孫

南康

愍王曇朗

武帝母弟

後魏宗室王侯

上谷公紇羅

神元帝曾孫

武陵侯因

長樂王壽樂

並章帝後

望都侯頽

昭帝後

六修

穆帝長子

曲陽侯素延

順陽公郁

宜都王目辰

並桓帝後

吉陽男比干

江夏公呂

道武帝族

弟高涼王孤

平文帝第四子

西河公敦

平文帝曾孫

司徒

平文帝元孫

武衛將軍謂

烈帝第四子

河間公齊

烈帝元孫

扶風公處真

烈帝

後文安公泥

魏陳族

實君

昭成帝子

秦王翰

昭成帝子

閼婆

壽

鳩

紇根

地干

力真

窟咄

並昭成帝子

明帝時京兆王遙大功昆弟皆是景穆之孫至明帝而

本服絕故除遙等屬籍遙表曰竊聞聖人所以南面而

聽天下其不可得變革者則親也尊也四世而總服窮

五世而袒免六世而親屬竭矣去茲以往猶繫之以姓而弗別綴之以食而弗殊又律曰議親者非唯當世之屬親厯謂先帝之五世謹尋斯旨將以廣帝宗重磐石先皇所以變茲事條為此別制者太和之季方有意於五屬經始之費慮深在初割減之起暫出當時也且臨淮王提分屬籍之始高祖賜帛三千疋所以重分離樂良王長命亦賜縑二千疋所以存慈眷此皆先朝殷勤克念不得已而然者也古人有言百足之蟲至死不僵

者以其輔已者衆臣誠不欲妄親太階苟求潤屋但傷  
大宗一分則天子屬籍不過千數人而已在漢親王之  
子不限多少皆列土而封謂之曰侯至於魏晉莫不廣  
昨河山稱之曰公者蓋惡其太宗之不固骨肉之恩疎  
也臣去皇上雖是五世之遠於先帝便是天子之孫高  
祖所以國秩祿賦復給衣食后族唯給其賦不與衣食  
者欲以別內外限異同也今諸廟之感在心未忘行道  
之悲倏然已及其諸封者身亡之日三年服終然後改

奪今朝廷猶在過密之中便議此事實用未安詔付尚書博議以聞尚書令任城王澄尚書左僕射元暉奏同遙表靈太后不從

先是皇族有譴皆不持訊時有宗士元顯當犯罪宗正約以舊制尚書李平奏以宗室磐石周布天下其屬籍疎遠蔭官卑末無良犯憲理須根究請立限斷以為定式詔曰雲漢綿遠蕃衍代滋植籍宗氏而為不善者良亦多矣先朝既無不訊之格而空相矯恃

以長為暴諸在議請之外者可悉依常法

北齊宗室王侯

趙郡王琛

神武弟

清河王岳

神武從父弟

廣平公盛

神武從叔祖

揚州公永樂

神武從祖兄子

上洛王思宗

神武從子

平秦王歸彥

神武族弟

武興王普

歸彥兄子

長樂太守靈山

神武族弟神武諸子已見皇子

門

齊置大宗正寺掌宗室屬籍統皇子王國諸長公主家  
周宗室無封爵貴顯者周文帝諸子已見皇子門更不

重叙

隋宗室諸王

蔡景王整

文帝次弟

滕穆王璿

文帝弟

道宣王嵩

文帝弟

衛昭

王爽

文帝弟

河間王弘

文帝從弟

義城公處綱

文帝族父

離石太

守子崇

武帝族弟

元帝

唐宗室四十一房

一曰定州刺史

名乞豆仕

後魏景皇帝虎之次弟

太祖

二曰南陽公

景帝

子名延伯

三曰譙王

景帝子名真

四曰蔡王

景帝子名岡

五曰畢王



景帝子  
名璋

六曰雍王  
名珪

七曰郇王  
名禧

八曰大

鄭王

景帝子  
名亮

九曰蜀王

代祖  
元皇帝  
之子  
名湛

十曰巢王  
高祖  
子

吉

十一曰大楚王

高祖子  
智雲

十二曰荆王

高祖子  
元景

十三

曰徐王

高祖子  
元禮

十四曰韓王

高祖子  
元嘉

十五曰彭王  
高祖

則子元

十六曰小鄭王

高祖子  
元懿

十七曰霍王

高祖子  
元軌

十

八曰虢王

高祖  
子鳳

十九曰道王

高祖子  
元慶

二十曰鄧王  
高祖

裕子元

二十一曰舒王

高祖子  
元名

二十二曰魯王

高祖子  
元靈

二十三曰江王

高祖子  
元祥

二十四曰密王

高祖子  
元曉

二十

五曰滕王

高祖子元嬰

二十六曰恒山王

太宗子承乾

二十七

曰吳王

太宗子恪

二十八曰濮王

太宗子泰

二十九曰蔣王

太宗

惲

三十曰越王

太宗子真

三十一曰紀王

太宗子慎

三十二曰

曹王

太宗子明

三十三曰澤王

高宗子金

三十四曰章懷太

子

高宗子賢

三十五曰湖陽郡王

睿宗子範

三十九憲宣太子

蜀王房

睿宗子

又有隴西渤海二房附見其譜定著三

十九房自元宗以後諸王不出閣不分房子孫闕而

不見

太宗貞觀元年初上皇欲彊宗室以鎮天下故皇再從  
三從弟及兄弟之子雖童孺皆為王王者數十人上從  
容問羣臣徧封宗子於天下利乎封德彝對曰前世唯  
皇子及兄弟乃為王自餘非有大功無為王者上皇敦  
睦九族大封宗室自兩漢以來未有如今日之多者爵  
命既崇多給力役恐非示天下以至公也上曰然朕為  
天子所以養百姓也豈可勞百姓以養己之宗族乎乃  
詔降宗室郡王皆為縣公惟有功者數人不降

元宗先天之後皇子幼則居內東封後以年漸長成乃  
於安國寺東附苑城同為大宅分院居之名為十王宅  
令中官押之於夾城中起居每日家令進膳又引詞學  
工書之人入教謂之侍讀十王謂慶忠棣鄂榮光儀潁  
永濟蓋舉全數其後盛壽儀陳豐恒涼六王又就封入  
內宅開元二十五年鄂光得罪忠王繼大統天寶中慶  
棣又歿唯榮儀十四王居內而府幕列於外坊歲時通  
名起居而已外諸孫長成又於十宅外置百孫院每歲

幸華清宮側亦有十王宅百孫院十王宮人每院四百餘人百孫院三四十人又於宮中置維城庫諸王月俸物納之以給用諸孫納妃嫁女亦就十院中太子不居於東宮但居於乘輿所幸之別院太子之子亦分院而居婚嫁則同親王公主於崇仁里之禮院

唐宗正寺掌天子族親屬籍親有五等先定於司封一曰皇帝周親皇后父母視三品二曰皇帝大功親小功尊屬太皇太后皇太后皇后周親視四品三曰皇帝小

功親總麻尊屬太皇太后皇太后皇后大功親視五品  
四曰皇帝總麻親袒免尊屬太皇太后皇太后皇后小  
功親五曰皇帝袒免親太皇太后小功卑屬皇太后皇  
后總麻親視六品皇帝親之夫婦男女降本親二等餘  
親降三等尊屬進一等降而過五等者不為親諸王大  
長公主長公主親本品嗣王郡王非三等親者亦視五  
品選舉制凡館有二門下省有弘文館生三十六人東  
宮有崇文館生二十人以皇總麻以上親皇太后皇后

大功以上親宰相貴官之子為之

唐宗室王侯

南陽公延伯

太祖長子

譙王真

太祖次子

畢王瑋

太祖子

江夏王

道宗

瑋之孫

雍王繪

太祖子

淮陽壯王道元

繪之孫

郇王禕

太祖子

長平肅王叔良

禕子

新興郡王德良

禕子

長樂郡王

幼良

禕子

蔡烈王蔚

太祖子

西平懷王安

蔚子

襄武郡王琛

安子

河間元王孝恭

安子

濟北郡王瑊

安子

漢陽郡王懷

濟南郡王哲

蔚子

盧江郡王琰

哲子

鄭孝王亮

哲子

淮安

太祖子

靖王神通子亮膠東郡王道彥高密王孝譽淄川

王孝同廣平王孝慈河間王孝友清河王孝

節膠西王孝義並神通子梁王澄世祖子蜀王湛世祖子隴

西恭王博义湛子渤海敬王奉慈湛子

唐宗室宰相凡十一人

林甫回係郇王房石程福係鄭王房勉夷簡宗閔

係小鄭王房適之係恒山王房峴係吳王房知柔係宣惠太子房

王氏揮塵錄曰唐書特立宗室傳贊乃云宰相以



宗室進者九人林甫姦諛幾忘天下程知柔在位

無所發明林甫在姦臣傳知柔相昭宗附宣惠太

子業傳後第五止叙七人適之峴勉程然李麟乃

懿祖後李逢吉李蔚俱隴西同係李宗閔出鄭王

房李揆亦出隴西宰相共一十三人也不同作一

傳何耶

### 宋宗室王

邕王光濟

宣祖長子太祖兄早卒追封

夔王光贊

宣祖幼子太祖弟早卒追封

秦王廷美

宣祖第三子太祖及廷美諸子異其稱謂故屬籍皆曰

廷美十子太宗篤親不欲

皇子皇女及廷美得罪乃正名稱皇姪皇姪女

仁宗景祐中下詔度玉清昭應宮舊地建宮合宗室十位聚居賜名曰瞻親院於祖宗後選一人為宗正以司訓導糾違失凡宗族之政令皆令掌之奏事毋得專達先詳視可否以聞

初諸王邸散居京師過從有禁非朝謁從祠不得時會見仁宗立瞻親院以壽春郡王允讓知大宗正事

總領輯睦甚有恩意務以身先之教養子孫崇尚藝學不率則正其罪故更相責厲莫不勸服故事內朝謁宗婦不預因曰託姻皇屬而不得一望禁閨非所以顯榮之也奏通其籍又宗婦少喪夫雖無子不許更嫁曰此非人情乃為請使有歸

神宗熙寧二年中書樞密院言祖宗受命百年皇族日以蕃衍而親疎之施未有等殺甄序其材未能如古獻議之臣謂宜有所釐正請叅酌先王典制時事之宜條

具聞奏詔同議以聞臣等今謀定方今可行之制宣祖  
太祖太宗之子皆擇其後一人為宗世世封公補環衛  
官以奉祭祀不以服屬盡故殺其恩禮祖宗祖免親將  
軍以下額出官者聽仍先經太宗正司陳請太宗正擇  
本官宗長與大學教授使學才行堪任使者然後審察  
以聞就武官者試讀律習書就文官者說試一中經或  
論一首將軍換諸司副使太常丞正率換內殿崇班太  
子中允並與州郡監當一次任滿與親民副率換西頭

供養官大理評事與監當一次任滿有州郡監司保舉者與親民否則即依外官祖宗祖免親未賜名授官者除右班殿直年十五與請給年二十許出官願換文官者與試銜知縣並令監當考試及任滿有無保任如前法出官日並特與優賜額鐫廳應舉者依外官其非祖免親不賜名授官許應舉應進士者只試策論明經者習一大經試大義及策初試不成文理者退黜餘令覆試取合格者以五分為限人數雖多不得過五十人累

經覆試不中年長者當特推恩量材錄用已出官者給俸依在京分數許依審官三班銓法指擬注授不以遠近為限授文官者轉官者轉官與進士出身同鑠廳應進士明經舉有出身人至負外郎與轉左曹宗室不出官者祖宗元孫轉官至正任觀察使止袒免親至遥郡刺史止祖宗袒免親見任官合奏薦子孫者許依外官祖宗袒免親以下見有官不顯出官父祖俱亡者許在京居止隨處置產其出官者置田宅如外官法祖宗袒

免女嫁賜錢減半婿與三班奉職非袒免女量加給賜  
更不與婿官有官者與免入遠許依審官三班流內銓  
法指擬注授班行免指使其袒免親娶婦量加給賜其  
非袒免親嫁娶依庶姓仍不得與非士族家為婚姻祖  
宗袒免親以外兩世貧無官者量賜田孤幼無依及尤  
貧失所者不拘世數隨所在官司具名聞奏當職特加  
存恤奏上詔曰自我祖宗惇叙邦族大則疏封於爵土  
次則通籍於閣臺並留京師參奉朝請然而世緒寢遠

皇枝益蕃屬有親疎則恩有隆殺才有賢否則祿有重輕今而一貫於周行是亦奚分於流別雖敦睦之道誠廣而德施之義未周故廷臣數言宰司繼請謂宜定正限以等夷朕惟親戚之間經史有訓漢唐之世故事具存或以九族辨尊卑或以五宗紀遠近或聽推恩而分子弟或許自試而効才能或宗子之賢得從科舉或諸王之女自主婚姻盡前世之所行顧當今之未備況我朝制作動法先王豈宗室等殺乃無定著因俾羣公之



合議將立一代之通規載覽奏封具陳條目以謂祖宗  
昭穆是宜世世之封王公子孫抑有親親之教若乃服  
屬之既竭洎於才藝之並優在隨器以甄揚使當官而  
勉懋至於任子之令通婚之儀凡曰有司之常一用外  
官之法僉言既允朕意何穀告於將來用頒明命宜依  
中書樞密院所奏施行

宗正寺言每歲寫仙源積慶圖宗藩慶緒錄送龍圖天  
章寶文閣今宗室非祖免親既不賜名授官一依外官

之法請定所修圖冊詔下禮院詳定禮官言六世親屬  
既竭繫之以姓而弗別則禮有其義皇宗祖廟雖毀子  
孫皆於宗寺附籍則今有其文况朝廷釐改皇族授官  
之制而袒免外親統宗罷爵進預科選遷官給俸恩禮  
優異悉不與外官匹庶同法屬雖疎而恩數不絕若圖  
籍湮落則無審其所從證其宗正寺所修圖錄並請仍  
舊從之

元豐官制行詔太宗正司不隸六曹太宗正以宗室團

練以上有德望者為之次一人為同知位高屬尊者為判掌糾合族屬而訓之以德行道藝受其詞訟而糾正其愆違有罪則先劾以聞法例不能決者同上殿取裁凡宗室服屬遠近之數及其賞罰規式皆總之屬有記室一人掌牋奏講書教授十有二人講授兼領小學之事渡江後頗用南班多不得其人無以表率更生刻削宗室皆患之置宗學及學官本末見職官門

哲宗紹聖元年禮部言諸宗室係袒免以外兩世祖父

俱亡而無官雖有官而無釐務貧不能給者委大宗正司及所在官司奏給錢米從之

徽宗崇寧元年詔曰神宗嘗詔宗室年長者推恩又嘗詔祖免外兩世貧無官者賜田又嘗詔外任者許居於兩京今宜遵先志宰臣蔡京等言宗室舊來在宮有出入之限有不許外交之禁宮門有譏察之令今疎屬外居僅遍都下積日滋久殆不能容若不居之兩京散之近郡立關譏察之令或一有非意犯法則勢有不可已

者今請非袒免親以下兩世除北京外欲分於西京南京近輔或沿流便郡居止各隨州郡大小創置居宇仍先自兩京為始每處置敦宗院命文武官各一員管幹參酌在京宮院法禁不可行者頒下從之

大觀二年正月詔自我英宗起於濮邸入繼大統濮王之後於屬雖親於服已遠如不字之子論正服則猶是總麻視正統則已非袒免無賜名授官之制無祿廩賜予之法比聞貧乏匱困或不能自存朕富有天下而五

服內親僅同民庶非強本之道欲盡親親之禮而承統  
之重義所不敢夙夜以思當使恩義兩得然後為稱應  
濮王孫士字可依仲字不字及不字之子並依士字恩  
數條例宗女隨其字行等第施行庶不失承統之義而  
曲盡人倫之親

八月詔保州皇族子孫於屬雖遠然未有仁而遺其親  
者比聞皇族之孫未官者餘三十人或貧乏不能自存  
已令置敦宗院其六房內各擇最長年二十已上者與

三班奉職二人一房及六人已上加一人並與添差監當

宣和五年詔今後內外宗室並不稱姓七年後詔依熙寧法並著姓

先是宗正少卿趙子崧賜對帝問宗子何以著姓子崧以熙寧之法為對遂詔宗室並不著姓其後有司不復考故事官職無高下皆名別之至是子崧復為帝言故寢前詔

宋朝宗室侍從自宣和至嘉泰凡十九人太祖下令鑠

寶文閣待制

令諤

戶部侍郎

子崧

端明殿學士

子書子直子櫟

並寶文閣學士

子灞子厚

戶部侍郎

伯圭

端明殿學士

師訓

工部侍郎

師蕞

敷文閣待制

師畢

戶部侍郎

太宗下不弃不流善堅

並工部侍郎

不述

華文閣待制

魏王下彥中

中書舍人

彥操

煥章閣待制

彥逾

工部侍郎

宗室為狀元

者乾道初汝愚中詞科者淳熙初彥中中童子舉者慶

元中崇禴三年六月己卯崇禴以能誦六經免文解

宗正寺仙源類譜太祖下德字行四人惟字行八人從



字字字行二十四人世字行一百二十九人令字行五

百六十四人子字行一千二百二十一人伯字行一千

六百四十五人

孝宗同此行

師字行一千四百九十人希字

行一千一百四十人與字行一百十人凡六千三百六

十五人孟字行由字行未見數太宗下元字行九人允

字行十九人宗字行七十五人

英宗同此行

仲字行三百八

十八人士字行一千四百九十九人不字行二千一百

三十人善字行二千四百三十一人汝字行一千二十

二人崇字行四百一十三人必字行一十九人凡八千  
五人良字行友字行未見數魏悼王下德字行十人承  
字行三十二人克字行一百二十七人叔字行五百六  
十一人之字行一千四百二十五人公字行一千七百  
七十四人彥字行一千八百二十四人夫字行一千六  
百六十六人時字行二百五十三人若字行二十四人  
嗣字行未見數其見數者凡七千二百九十六人以淳  
熙八年計之三祖下合二萬一千六百六十有六人英

宗子吳王益下孝字行十三人安字多字居字行皆為  
南班官未見數淳熙初詔多字行之子連自字紹熙初  
詔自字行之子連甫字徽宗子棣華宅諸王下連卿字  
卿字下連茂字茂字下連中字中字下連孫字然棣華  
子孫自靖康以來皆隔異域但遙為排連而已 保州  
宗室者翼祖皇帝後也建炎初隔絕紹興九年渡江者  
數十人有官四人而已上念之詔注官如兩京例今廣  
字繼字夫字行者是也 故事宗女適人皆內侍與有

司主之熙寧後以昭穆益疎乃給奩具祖宗元孫女五百千五世三百五十千六世三百千七世二百五十千八世百五十千紹興七年冬詔元孫減五之二六世八世減三之一五世七世減七之二已適而再行者各減半然有司不時給宗女貧不能行多自稱不願出適者三十二年惠靖襄王子子遊知南外宗正事請於朝下泉州以經總制司錢支給云建炎末上以天屬避地者少詔南班宗婦無子孫食祿者廩給有差凡祖宗總

麻親歲給錢九十六千米三十六斛帛二十八疋祖免

親錢米減三之一綿帛並減半

四年六月己卯

故事宗室近臣

吉凶皆有賜予紹興初以軍興財匱罷之

六年正月己巳

十一

年秋皇叔祖右監門衛大將軍仲岳卒於臨安至無以

斂判大宗正事齊安郡王士儂言於朝詔總麻親任環

列以上亡者賜錢三百千祖免減三之一

九月甲辰

今以為

例焉 本朝宗室皆聚於京師熙寧間始許居於外蔡

京為政即河南應天置西南二敦宗院設宗官主之靖

康之禍在京宗室無得免者而睢雄二都得全建炎初

上將南幸先徙諸宗室於江淮於是大宗正司移江寧

南外移鎮江西外移揚州

元年八月戊午

明年春又移西外於

泰州及高郵軍

正月甲午

三年冬又移於福州而南外移泉

州以避狄

十二月甲子

紹興元年秋嗣濮王仲湜請合西南

外宗正為一司以省財用有司以泉州乏財不許

九月壬子

是時兩外宗子女婦合五百餘人歲費緡錢九萬

南外三百

四十九人歲費錢六萬緡西外一百七十六人歲費錢約三萬緡

紹興府宗正司者

紹興三年以行在未有居第權分宗子居之三十年春

恩平郡王出居會稽遂以為判大宗正事

三月丙子

乾道七

年虞丞相秉政言蜀中闕大宗正司上欲移紹興府宗

正司於成都

五月戊寅

既而不行但省會稽一司而已今蜀

中宗子甚衆既無親賢領之但每州以行尊者一負檢

察錢米請受由是徃徃蹈於非彝而不可訓焉東都

故事宗子皆築大舍聚居之太祖太宗九王後曰睦親

秦王後曰廣親英宗二王曰親賢神宗五王曰棣華徽

宗諸王曰蕃衍渡江後宗子始散居郡邑惟親賢子孫  
為近屬則聚居之孝宗子四人邵悼肅王無後莊文太  
子魏憲憲王早薨莊文之妃憲憲之夫人皆別居賜第  
初莊文既大祥議者欲皇孫出居於外或以為不可又  
踰年竟以知樞密院府為外第焉紹熙初寧宗封嘉王  
將以所藉富民裴氏之居為府第而議者以為非宜乃  
改築蓋自紹興以來天屬鮮少故不復賜宅名云

容齋洪氏隨筆曰吏部員多闕少今為益甚而選



人當注職官簿尉輒為宗室所奪蓋以盡壓已到部人之故案宣和七年八月臣僚論祖宗時宗室無參選法至崇寧初大啟僥倖遂使任意出官又優為之法參選一日即在闔選名次之上以天支之貴其間不為無人而膏粱之習貪淫縱恣出為民害者不少議者頗欲懲革罷百十人之私恩為億萬人之公利誠為至當若以親愛未忍姑乞與在部人通理名次從之靖康元年八月又奏云祖

宗時未有宗室參部之法神宗時始選擇差注一  
二崇寧初立法太優宗室參選之日在本部名次  
之上既歷年月深遠勞效顯著之人復占名州大  
縣優便豐厚之處議者頗欲懲革不注郡守縣令  
在部人通理名次有旨從之此二段未嘗衝改不  
知何時復紊也

又曰本朝宗室祖免親女出嫁如壻係白身人得  
文解者為將仕郎否則承節承信郎妻雖死夫為


官如故案唐正元中故懷澤縣主壻檢校贊善大夫竇克紹狀言臣頃以國親超受寵祿及縣主薨逝臣官遂停陪位出身未授檢校官自有本官伏乞宣付所司許取前銜婺州司戶參軍隨例調集詔許付集仍委所司比類前任正員官依資注擬自今以後郡縣主壻除丁憂外有曾任正員官停檢校官俸料後者準此處分乃知壻官不停者恩過唐世多矣紹興中高士勣尚偽福國長公主至

觀察使及公主事發誅死猶得故官可謂優渥

又曰壽皇聖帝登極赦恩凡宗子不以服屬遠近  
人數多少其曾獲文解兩次者並直赴殿試略通  
文墨者所在州量試則補承信郎由是入仕過者  
千人已上淳熙十六年二月紹熙五年七月二赦  
皆然故皇族得官不可以數計偶閱唐昭宗實錄  
載一事云宗正少卿李克助奏准去年十一月赦  
書皇三等以上親無官者每父下放一人出身皇

五等以上親未有出身陪位者與出身寺司啓請  
承前舊例九廟子孫陪位者每父下放一人出身  
共放三百八十人其諸房宗室等各赴陪位納到  
文狀共一千二十七人除元不赴陪位及不納到  
狀及違寺司條流不取宗室克係落下外係三百  
八十人合放出身勅准赦書處分子案昭宗以文  
德元年即位次年十一月南郊禮畢肆赦其文略  
云皇三等以上親委中書門下各擇有才行者量

與改官無官者每父下放一人出身皇五等以上  
親未有出身陪位者與出身然則亦有三等親陪  
位與不陪位之差別也



文獻通考卷二百五十九